


總集類

總集類



10252

晚唐詩鈔卷第十九

鄭谷

字守愚袁州人光啟三年擢第遷右拾遺郎都官郎中乾寧四年歸宜
春卒於別墅谷詩名盛於唐末人多傳諷號爲鄭都官集六卷今選各

體共六

十六首

郊園 五律

相近復相尋山僧與水禽
煙篔簹春釣靜雪屋夜甚
深雅道誰開口時風未醒心
溪光何以報祇有醉
和吟

水軒

日日狎沙禽偷安且放吟
讀書老不入愛酒病還

亞厚詩鈔卷第一

十干詩塢

深歎後爲羈客兵餘問故林
楊花滿床席搔首度
春陰

長安感興

徒勞悲喪亂自古戒繁華
落日狐兔徑近年公相
家可悲聞玉笛不見走香車
寂寞墻匡裏春陰控
杏花

旅寓洛南邨舍

邨落清明近鞦韆稚女誇
春陰妨柳絮月黑見梨花
白鳥關魚網青帘認酒家
幽棲雖自適交友在

京華



登杭州城

一作題
亭驛後

漠漠江天外登臨返照間
潮來無別浦木落見他山
沙鳥晴飛遠漁人夜唱閒
歲窮歸未得心逐片帆還

錦浦

流落夜淒淒春寒錦浦西
不甘花逐水可惜雪成泥
病眼嫌燈近離腸賴酒迷
憑君囑鶻鴟莫向五更號

通川客舍

犇走失前計淹留非本心
已難消永夜况復聽秋霖
漸解巴兒語誰憐越客吟
黃花徒滿手白髮不勝簪

曉唐詩鈔卷第一

二

十千詩稿

訪題進士張喬延興門外所居

平生苦節同旦夕會原東
掩卷斜陽裏看山落木
中星霜吟欲老江海業全空
近日文場內因君起古風

題進士王駕郊居

前山微有雨永巷淨無塵
牛臥籬陰晚鳩鳴邨意
春時浮應寡合道在不嫌貧
後徑臨陂水菰蒲是切鄰

書邨叟壁

草肥朝牧牛，桑綠晚鳴鳩。
列岫簷前見，清泉碓下流。
春蔬和雨割，社酒向花篘。
引我南陂去，籬邊有小舟。

張谷田舍

縣官清且儉，深谷有人家。
一徑入寒竹，小橋穿野
花。碓喧春澗滿，梯倚綠
桑斜。自說年來稔，前邨酒
可賒。

贈劉神童

六歲及第

習讀在前生，僧談足可明。
還家雖解喜，登第未知

晚唐詩鈔卷第十九

三

十千詩集

榮時果曾沾

賜上召於便殿親試稱旨賜以果實

春闈不掛情，燈前猶惡

睡，寤語讀書聲。

贈泗口苗居士

歲晏樂園林，維摩契道心。
江雲寒不散，庭雪夜方
深。酒勸漁人飲，詩憐稚子
吟。四郊多壘日，勉我捨
朝簪。

寄前水部賈員外嵩

謝病別文昌，仙舟向越鄉。
貴為金馬客，雅稱水曹
郎。白鷺同孤潔，清波共渺
茫。相如辭賦外，騷野趣
何長。

寄贈藍田韋少府先輩

王畿第一縣縣尉是詞人館殿非初意圖書是舊
貧斫冰泉竇響賽雪廟松春自此升通籍清華日

逼一作身

聞進士許柳罷舉歸睦州悵然懷寄

桐廬歸舊廬垂老復樵漁吾子雖言命鄉人懶讀
書煙舟撐晚浦雨屐剪春蔬異代名方振哀吟莫
廢初

長安夜坐懷寄湖外嵇處士

萬里念江海浩然天地秋風高羣木落夜久數星

晚唐詩鈔卷第二

四

十千詩塢

流鐘絕分宮漏螢微隔御溝遙思洞庭上葦露滴
漁舟

寄嵇安

松窗楸局穩相顧思皆凝幾局賭山果一先饒海
僧覆圖聞夜雨下子對秋燈何日無羈束期君向
杜陵

贈別

南遊曾共遊相別倍相留行色迴燈曉離聲滿竹
一作秋穩眠彭蠡浪好醉岳陽樓明日逢佳景爲君
成白頭

別同志

所立共寒苦平生同與遊相看臨遠水獨自上孤舟
天澹滄浪晚風悲蘭杜秋前程吟此景爲子上高樓

送太學顏時明經及第東歸

平楚干戈後田園失耦耕艱難登一第離亂首諸兄
樹沒春江漲人繁野渡晴閒來思學館猶夢雪窗明

送進士盧啓東歸

灞岸艸淒淒離觴我獨攜流年俱老大失意又東歸

晚唐詩鈔卷第一

五

十干詩塢

西曉楚山雲滿春吳水樹低到家梅雨歇猶有子規
嘯

送舉子下第東歸

夫子道何孤青雲未得途詩書難捨魯山水暫游吳
野綠梅陰重江春浪勢麤秣陵兵役後舊業半成蕪

送人之九江謁郡侯苗員外紳

澤國尋知已南浮不偶游溢城分楚塞廬岳對江州
曉飯臨孤嶼春帆入亂流雙旌相望處月白庾公樓

蜀江有弔

僖宗幸蜀時曰今夜用事左拾遺孟昭圖疏論之令汝驕貶嘉州司戶使人沉之墓頤津

孟子有良策惜哉今已而徒將心體國不識道消時折檻未為切沉湘何足悲蒼蒼無問處煙雨徧

江蘿

哭建州李員外頌

令終歸故里末歲道如初舊友誰為誌清風豈易書雨墳生野蕨鄉真釣江魚獨夜吟還泣前年伴

直廬

杏花

不學梅欺雪輕紅照碧池小桃新謝後雙燕却來

晚唐詩鈔卷第一

六

十干詩塢

時香屬登龍客煙籠宿蝶枝臨軒須貌取風雨易

離披

寄獻湖州從叔員外

五言排律

顧渚山邊郡溪將罨畫通遠看城郭裏全在水雲中西閣歸何晚東吳興未窮茶香紫笋露洲迥白蘋風歌緩眉低翠杯明蠟翦紅政成尋徃事輟棹問漁翁

西蜀淨衆寺松溪八韻兼寄小筆崔處士

松因溪得名溪吹答松聲繚繞能穿寺幽竒不在城寒烟齋後散春雨夜中平染岫蒼苔古翹沙白

鳥明澄分僧影瘦光徹客心清帶梵侵雲響和鐘
激石鳴淡烹新茗爽煖泛落花輕此景吟難盡憑
君畫入京

闕下春日

七律

建昌宮殿紫雲飄春漏遲遲下絳霄綺陌煖風嘶
去馬粉廊初日照趨朝花經宿雨香難拾鶯在豪
家語更嬌秦楚年年有離別揚鞭揮袖灞陵橋

結綬鄆郊縻攝府署偶有自詠

鶯離寒谷士逢春釋褐來年暫種芸自笑老爲梅
少府可堪貧攝鮑參軍酒醒往事多興念吟苦鄰

晚唐詩鈔卷第十九

七

十干詩塢

居必厭聞推卻簿書搔短髮落花飛絮正紛紛

自適

紫陌奔馳不暫停送迎終日在郊坰年來鬢畔未
垂白雨後江頭且踏青浮蟻滿杯難暫捨貫珠一
曲莫辭聽春風祇有九十日可合花前半日醒

自貽

飲筵博席與心違野眺春吟更自誰琴有澗風聲

轉澹詩無僧字格還卑

方向云谷詩多用
僧字凡四十餘處

恨拋水國釣篁

兩貧過長安櫻筍時

唐制四月十五日自堂厨
至百司厨謂之櫻筍時

頭角英髦應

指笑權門蹤跡獨差池

中年

漠漠秦雲淡淡天
新年景象入中年
清多最恨花無語
愁破方知酒有權
苔色滿牆尋故第
雨聲一夜憶春田
衰遲自喜添詩學
更把前題改數聯

郊墅

韋曲樊川雨半晴
竹莊花院徧題名
畫成煙景垂楊色
滴破春愁鬢酒聲
滿野紅塵誰得路
連天紫閣獨關情
漾陂水色澄於鏡
何必滄浪始濯纓

蜀中

馬頭春向鹿頭關
遠樹平蕪一望閒
雪下文君沽

晚唐詩鈔卷第一

八

十千詩塢

酒市雲藏李白讀書山
江樓客恨黃梅後
邨落人歌紫芋間
堤月橋燈好時景
漢庭無事不征蠻
夜多無雨曉生塵
艸色嵐光日日新
蒙頂茶畦千點露
浣花牋紙一溪春
揚雄宅在唯喬木
杜甫臺荒絕
舊鄰卻共海棠花
有約數年留滯不歸人

遊蜀

所向明知是暗投
兩行清淚語前流
雲橫新塞遮秦甸
花落空山入閬州
不分黃鸝驚曉夢
惟應杜宇信春愁
梅青一作黃麥綠無歸處
可得漂漂愛浪遊

題汝州從事廳

詩人公署如山舍祗向階前便採薇驚燕拂簾間
睡覺落花沾硯會殮歸屨看鷺記官多達牘挂明
文吏莫違自說小池栽葦後雨涼頻見鷺鷥飛

慈恩寺偶題

徃事悠悠添浩歎勞生擾擾竟何能故山歲晚不
歸去高墪晴來獨自登林下聽經秋苑鹿江邊掃
葉夕陽僧吟餘却起雙峰念曾看菴西瀑布冰

蜀中春日

海棠風外獨沾巾襟袖無端惹蜀塵和暖又逢挑
菜日寂寥未是探花人不嫌蟻酒衝愁肺卻憶漁
簍履病身何事晚來微雨後錦江春學曲江春

漂泊

槿墜蓬疎池館清日光風緒澹無情鱸魚斫鱠輸
張翰橘樹呼奴羨李衡十口漂零猶寄食兩川消
息未休兵黃花催促重陽酒何處登高望二京

敷溪高士

敷溪南岫掩柴荆挂却朝衣愛靜名閒得林園栽
樹法喜聞兒姪讀書聲眠窗日煖添幽夢步野風
清散酒醒謫去微還何擾擾片雲相伴看衰榮

宗人作尉唐昌官署幽勝而又博學精富

得以言談將欲他之留書屋壁

公堂瀟洒有林泉祗隔苔墻是渚田宗黨相親離
亂世春秋閒論戰爭年遠江鷺鷥來池口絕頂歸
雲過竹邊風雨夜長同一宿舊游多共憶樊川

寄獻狄右丞

逐勝偷閒向杜陵愛僧不愛紫衣僧身爲醉客思
吟客官自中丞拜右丞殘月露垂朝闕蓋落花風
動宿齋燈孤單小諫漁舟在心戀清潭去未能

錦二首

布素豪家定不看若無花彩入時難紅迷天子帆

晚唐詩鈔卷第十九

十

十子詩塢

邊日紫奪星郎帳外蘭春水濯來雲鴈活夜機挑
處雨燈寒舞衣轉轉求新樣不問亂罹桑柘殘
文君手裏曙霞生羨號仍聞借蜀城奪得始知袍
更貴著歸方覺晝偏榮宮花顏色開時麗池鳳毛
衣浴後明禮部郎官人所重省中別占好窠名

鷓鴣

煖戲煙蕪錦翼齊品流應得近山鷄雨昏青草湖
邊過花落黃陵廟裏啼遊子乍聞征袖濕佳人纔
唱翠眉低相呼相喚湘江濶苦竹蕪深春日西

悶題

五絕

落第春相困無心惜落花荆山歸不得歸得亦無家

望湘亭

湘水似伊水湘人非故人登臨獨無語風柳自搖春

嘉陵

細雨溼萋萋人稀江日西春愁腸已斷不待子規
嗥

長門怨

七絕

閒把羅衣泣鳳凰先朝曾教舞霓裳春來卻羨桃
花落得逐晴風出禁牆

晚唐詩鈔卷第十九

二

十千詩稿

蚤入諫院

紫雲重疊抱春城廊下人稀唱漏聲偷得微吟斜
倚柱滿衣花露聽宮鶯

春陰

攜琴當酒度春陰不解謀生只解吟舞蝶歌鶯莫
相試老郎心是老僧心

亂後灞上

柳絲牽水杏房紅煙岫人稀艸色中日暮一行高
鳥處依稀合是望春宮

興州池館

向蜀還秦計未成寒蛩一夜遶牀鳴愁眠不穩孤
燈盡坐聽嘉陵江水聲

題慈恩寺默公院

雖近曲江居古寺舊山終憶九華峯春來老病厭
迎送剪卻牡丹栽野松

淮上漁者

白頭波上白頭翁家逐船移浦浦風一尺鱸魚新
釣得兒孫吹火荻花中

席上貽歌者

晚唐詩鈔卷第十九

十二

十千詩塢

花月樓臺近九衢清歌一曲倒金壺座中亦有江
南客莫向春風一作樽前唱鷓鴣

淮上與友人別

揚子江頭楊柳春楊花愁殺渡江人數聲風笛離
亭晚君向瀟湘我向秦

別脩覺寺無本上人

松上閒雲石上苔自嫌歸去夕陽催山門握手無
他語只約今冬看雪來

送張逸人

人間疎散更無人浪兀孤舟酒兀身蘆筍鱸魚拋

不得五陵珍重五湖春

長江縣經賈島墓

水繞荒墳縣路斜
耕人訝我久咨嗟
重來兼恐無尋處
日落風吹鼓子花

雪中偶題

亂飄僧舍茶煙溼
密洒歌樓酒力微
江上晚來堪畫處
漁人披得一蓑歸

蓮葉

移舟水濺差差綠
倚檻風搖柄柄香
多謝浣溪人未折
雨中留得蓋鴛鴦

晚唐詩鈔卷第十九

十三

十千詩稿

越鳥

背霜南鴈不到處
倚棹北人初聽時
梅雨滿江春草歇
一聲聲在荔枝枝

唐彥謙

字茂業晉陽人
苦公儉之後咸通中應進士
負才無所屈降十餘年不第
乾符末避亂漢南河中王重榮
辟爲從事歷閬壁二州刺史卒有鹿門集

三卷今選各

體共十二首

春殘

五律

景爲春時短愁隨別夜長
暫暮寧號隱輕醉不成
鄉風雨曾通夕萋萋有衆芳
落花如便去樓上郎
河梁

漢代

五言排律

漢代金爲屋，吳宮綺作寮。豔詞傳靜婉，新曲定妖
嬈。箭響猶殘夢，籤聲報蚤朝。鮮明臨曉日，迴轉度
春宵。半袖籠清鏡，前絲壓翠翹。靜多如有待，閒極
似無憀。梓澤花猶滿，靈和柳未凋。障昏巫峽雨，屏
掩浙江潮。未信潘名岳，應疑史姓蕭。漏因歌暫斷，
燈爲雨頻挑。飲酒闌三雅，投壺賽百嬌。鈿蟬新翅
重金鴨，舊香焦水淨疑澄。練霞孤欲建，標別隨秦
柱。促愁爲蜀絃，么玄晏難瘳。瘳臨邛，但發瘳。聯詩
徵弱絮，思友咏甘蕉。王氏憐諸謝，周郎定小喬。黼
幃翹綵雉，波扇畫文鯨。苻密妨垂釣，荷歌欲渡橋。
不因衣帶水，誰覺路迢迢。

送樊瑄司業歸朝

近者蘇司業，文雄道最光。夫君居大學，妙譽繼中
行。汲郡陵初發，汾陰篋久亡。寂寥方倚席，容易忽
升堂。去日應縣榻，來時定裂裳。愜心頻捨芥，應手
屢穿楊。辨給如無敵，飛騰固自強。論心期舌在，問
事畏頭長。駟馬終題柱，諸生恚面墻。啗螫譏爾雅，
賣餅訴公羊。未見泥函谷，俄驚火建章。煙塵昏象
魏，行在隔巴梁。紅粟填郿塢，青袍過壽陽。剪茆行

殿溼伐栢舊陵香燭室青衿盡渠門大旆揚雲飛
同去國星散各殊方賤子悲窮轍當年亦擅塲
辛尋幼婦醴酒憶先王聖域探姬孔皇風樂禹湯
畏誅輕李喜言命小臧倉折樹休盤槩沉鈞且鈞
璜鴻都問詞客他日莫相忘

寄懷

七律

有客傷春復怨離夕陽亭畔艸青時淚隨紅蠟無
由制腸比朱絃恐更危梅向好風惟是笑柳因微
雨不勝垂雙溪未去饒歸夢夜夜孤眠枕獨歌

秋霽豐德寺與玄真師咏月

晚唐詩鈔卷十九

一五

斗千詩鳴

露冷風輕霽魄圓高樓更在碧山巔四溟水合疑
無地八月槎通好上天黯黯星辰環紫極喧喧朝
市蔽一作蒼烟夜深獨與巖僧語群動消聲舉世眠

蒲津河亭

宿雨清秋霽景澄廣亭高樹向一作晨興煌煌橫博望

乘槎水日上文王避雨陵孤棹夸猶期獨徃曲欄
愁絕悔長凭思鄉懷古多傷別此際哀吟幾一作不

勝

新豐

沛中歌舞百餘人帝業功成里巷新半夜素靈先

哭楚一星遺火下燒秦貌貅掃盡無三戶雞犬歸
來識四鄰惆悵故園前事遠曉風長路起埃塵

長陵

長陵高闕此安劉祔塋纍纍盡列侯豐上舊居無
故里沛中原廟對荒丘耳聞英主提三尺眼見愚
民盜一杯千載豎儒騎瘦馬渭濱斜日重迴頭

小院

五絕

小院無人夜煙斜月轉明清宵易惆悵不必有離
情

贈竇尊師

晚唐詩鈔卷第十九

六

十千詩塢

我愛竇高士棄官仍在家為嫌勾漏令兼不要丹
砂

漢嗣

七絕

漢嗣安危繫數君高皇意決勢難分張良口辨周
昌吃同建儲宮第一勛

春蚤落英

紛紛從此見花殘轉覺長繩繫日難樓上有愁春
不淺小桃風雪凭欄干

李洞

字才江唐諸王孫為詩慕賈浪仙鑄其像頂戴常念賈島佛時
人多病其僻澁唯吳融稱之昭宗時不第遊蜀卒詩三卷今選

秋日曲江書亭

五律

門搖枯葦影落日共鷗歸園近鹿來熟江寒人到
稀片雲穿堦一作過枯葉入城飛翻怕賓鴻至無才
動禮闈

秋宿潤州劉處士江亭

北夢風吹斷江邊處士亭吟生萬井月看盡一天
星浪靜魚衝石一作鎖一作空一作鶴聽經東西渺無際世
界半滄溟

鄆郊山舍題趙處士林亭

晚唐詩鈔卷第十九

十七

十子詩塢

圭峰秋後矗亂葉落寒墟四五百竿竹二三千卷
書雲深獵拾粟兩齋蟻綠蔬只隔門前水如同萬
里餘

寄竇禪山薛秀才

竇嶺吟招隱新詩滿集賢白衫春絮暖紅紙夏雲
鮮琴纏江絲細碁分海石圓因知醉公子虛寫世
人傳

寄翠微無可一作上人

遠近衆心歸禪居占翠微展經授識字聽法虎知
非泉注城池夢霞生侍衛衣玄機不可學何似總

無機

送盧少府之任鞏洛

從知東甸尉銓注似恩除帶土移嵩木和泉送尹
魚印牀寒鷺宿壁記醉僧書堂下諸昆在無妨候
起居

送雲卿上人遊安南

春徃海南邊秋聞半路蟬鯨吞一作吹洗鉢水犀觸點
燈船島嶼分諸國星河共一天長安卻回日松偃
舊房前

賦得送賈島謫長江

晚唐詩鈔卷第十九

六

斗子詩塢

敲驢吟雪月謫出國西門行傷長江影愁深汨水
魂筇一作印攜過竹寺琴興在花邨饑拾一作食山松子誰
知賈傅孫

投獻吏部張侍郎十韻

五言排律

苔深馬蹄青何曾在城不於僧院宿多傍御溝
行隱岫侵巴壘租田帶渭平肩囊尋省寺袖軸遍
公卿夢入連濤郡書來積雪營浹隨邊鴈墮竟逐

一作共夜蟬驚發憤巡江堦無眠數縣更玄都一病客

興善幾回鶯貢藝披沙細酬思戴岳輕心期公子

念滴酒在雕楹

宿成都松溪院

松持節操溪澄性一炷煙嵐壑寺隅翡翠鳥飛人
不見琉璃瓶貯水疑無夜聞子落真山雨曉汲波
圓入畫圖塵擁蜀城抽鎖後此中猶夢在江湖

上司空員外

禪心高臥似疎慵詩客經過不厭重藤杖幾攜量
積雪玉鞭曾把數嵩峰夜眠古巷當城月秋直清
曹入省鐘禹鑿故山歸未得河聲暗一作老兩三松

贈永崇李將軍克襄陽制置使

拜官門外發輝光宿衛陰符注幾行行處近天龍

晚唐詩鈔卷第十九

十九

十子詩塢

尾滑獵時陪帝馬鬃香九城王氣生旗隊萬里寒
風入箭瘡從此浩然聲價歇武中還有李襄陽

贈徐山人

徐生何代降坤維曾伴園公采紫芝瓦礫變黃憂
世換髭鬚放白怕人疑山房古竹竈於樹海島靈
童壽等龜知歎有唐三百載光陰未抵一先碁

曲江漁父

兒孫閒弄雪霜髯浪颭南山影入檐閒臥篷舟龜
作枕病來茆舍網爲簾值春游子憐蓴滑通蜀行
人說鱸甜數尺寒絲一竿竹豈知浮世有猜嫌

寄東蜀幕中友

官亭池碧海榴殷遙想清才倚畫欄柳絮漲天籠
地暖角聲經雨透雲寒曉侵台座香煙溼夜艸軍
書蠟炬乾爲話門人吟太苦風吹蘭秀一枝殘

叙舊遊寄栖白

老著重袍坐石房竺經休講白眉長省衝鼉沫投
江島曾看魚飛倚海橋曉炙凍孟原日氣夜挑蓮
椀禁燈光吟詩五嶺尋無可倏忽如今四十霜

送包處士

愁思枕月臥瀟湘寄宿慈恩竹裏房性急卻一作還於

晚唐詩鈔卷第十

三

十千詩鳴

碁上慢身閒未免藥中忙休拋手網驚龍睡曾挂
頭巾拂鳥行聞說石門君舊隱寒風濺瀑壞書堂

華山

碧山長凍地長秋日夕泉源聒華州萬戶煙侵關
令宅四時雲在使君樓風驅雷電臨河震鶴引神
仙出月遊峰頂高眠靈藥熟自無霜雪入人頭

斃驢

蹇驢秋斃瘞荒田忍把敲吟舊竹鞭三尺焦桐背
殘月一條藜杖卓寒煙通吳白浪寬圍國倚蜀青
山峭入天如畫海門揩肘望阿誰教賣釣魚船

客亭對月

七絕

游子離魂隴上花
風飄浪卷遶天涯
一年十二度
圓月十一回
圓不在家

山居喜友人見訪

入雲晴斲茯苓還
日暮逢迎水石間
看待詩人無
別物半潭秋水一房山

送僧清演歸山

毛褐斜肩背負經
曉思吟入竇山青
峰前野水橫
官道踏著秋天三四星

晚唐詩鈔卷第十九

五

十千詩鳴

10252

晚唐詩鈔卷第十九

